

Na osnovu člana 40. stav 2 Zakona o ličnoj karti državljana Bosne i Hercegovine ("Službeni glasnik BiH", br. 32/01, 16/02, 32/07 i 56/08), Ministarstvo civilnih poslova Bosne i Hercegovine donosi

PRAVILNIK

O IZMJENAMA I DOPUNAMA PRAVILNIKA O OBRASCU ZAHTJEVA ZA IZDAVANJE I ZAMJENU LIČNE KARTE, POSTUPKU IZDAVANJA I ZAMJENE LIČNE KARTE I NAČINU VOĐENJA EVIDENCIJA O ZAHTJEVIMA

Član 1.

U Pravilniku o obrascu zahtjeva za izdavanje i zamjenu lične karte, postupku izdavanja i zamjene lične karte i načinu vođenja evidencija o zahtjevima ("Službeni glasnik BiH", broj 39/02) član 2. mijenja se i glasi:

"Zahtjev za izdavanje i zamjenu lične karte državljana Bosne i Hercegovine podnosi se u Federaciji Bosne i Hercegovine kantonalnom ministarstvu unutrašnjih poslova, u Republici Srpskoj Ministarstvo unutrašnjih poslova RS-a i u Brčko Distriktu Bosne i Hercegovine koji funkcionalno djeluje kao državna institucija (u daljnjem tekstu: nadležni organ), po mjestu prebivališta državljana Bosne i Hercegovine (u daljnjem tekstu: državljana BiH) odnosno po mjestu boravišta za raseljena lica u skladu sa članom 7. Zakona o ličnoj karti državljana Bosne i Hercegovine (u daljnjem tekstu: Zakon).

Zahtjev za izdavanje i zamjenu lične karte podnosi se na obrascu LK/OI-1 koji sadrži podatke iz člana 6. Zakona".

Član 2.

U članu 3. Pravilnika dodaje se novi stav 5. koji glasi:

"Izvod iz matične knjige rođenih i knjige državljana kao dokazi o identitetu podnosioca zahtjeva mogu se pribaviti elektronskim putem, po službenoj dužnosti, od strane nadležnog organa ukoliko su stvoreni tehnički uslovi za pribavljanje tih dokaza kod nadležnog matičnog ureda".

U članu 3. Pravilnika dosadašnji stav "5" postaje stav "6".

Član 3.

Član 7. Pravilnika briše se.

Član 4.

Član 8. Pravilnika briše se.

Član 5.

U cijelom tekstu Pravilnika riječi "MCPK BiH" zamjenjuju se riječima "MCP BiH", u odgovarajućem padežu.

Član 6.

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj 15-02-2-5953-SM/08
29. decembra 2008. godine
Sarajevo

Ministar
mr. **Sredoje Nović**, s. r.